

Liniqeban nak tu pantu'ang

Matu uva'azang cak ka, maqa binano'az za ni tu kasoqbungun sadu, mopa'i maqa binano'az zi mac'an qan tau ci pat ta iscaivin bunun, pangqa, ni' a binano'az pinpantu'un. qaitu makisvevi ka tina nak, altupa tu makuaq' bunun tu minmaq qa binano'az pinpantu'un na, kasa'an tupa cak ki tina nak pinpantu'.

Matu lopang cak munata', lau qa ni tu memushu bunun na , kasave'un cak muskun pantu tu Put cin Tolu, mopa'i tupa nai tu ka'isnaqun na Takisilazan tu sidoq, mopa'i macia Takisilazan na sinpenuk ka langsitlangsit sadu'an, maqa kahung nga mataqdung amin na maszang ni tu tanhuhulu', musasu tu maq nai Put cin Tolu ka asa tu maqasmav dengaz masipul la, namaqtu' usiza'an macihal tu kaku', maqa Takisilazan na maqtu' susan 25% sinsiking tu tinsu', Pangqa qacunoqun cak uskunan zaku masipul tu pantu'.

Meqdi dengaz nak ka is'ang, mopa'i tutuza cak tu ni tu usizan sinpasnava' i sinsi', kopadiqanin cak malpipisng ni tu asa munhan kaku', ni tu asa sadu uskunan bingkiu tu pantu', ni tu amin ukonan asa mumutaq', ni tu usabaqan qanglac ca sebaqan kadikla bahi, naminanualin na iliskinan nak, qanciap cak tu na mihalangin na inak tu hubungan, munga'in cak misbu pantu', uka'in na tamasaz cin iniliskinan tu nasokanaqtung masipul.

Kalingva' cak tina taqu ki inak tu sinhuzanghuzag, tatangic tu nani'in cak ukiliman minpant' tu tamasaz. Muaz za tina nak antalam tu, “Nakopa qu su' ka makanmeqdi'? Kopa qu su' ka heza' ni tu usizan sinpasnava? Mavia tu pide'un na iliskinan ni? Manaskal cak ki maqtu asu taqu zaku isu tu sinkuzakuza, qaltu, muhaza mintamasaz , tis'uni zaku cin toqas su minmantuk, miliskina makuaq cak tudip cin toqas su' matamasaz tupa ki tama su' tu ui asu pinpantu', minkelaca! ni tu mimisbu' masumsum tamadiqanin, naqanglac amin cak tis'uni su' masumsum.”

Tan'a cak tina nak tu sinqasam ma, minkaz'av nak ka is'ang musasu tu mikelac nak ka iliskinan, anak'anak cak tupa tu, “U,maqa tina cin toqas nak tis'uni asa mapinpantu' zaku ka, namunga'in minpakadikla' a tastulumaq, asa cak tu ka a'nak mintamasaz ! ” Mesna ita cak minmantuk picihalun na hubungan sepuk, aun pide'un na iniliskinan. Mesna ita cak maqasmav bingkiu', maqe ni tu uqancepan na ni tu maz'av macingav duma' bunun, ni'in amin maz'av tupa sinsi' tu kanakdauk cak usizan sin taqo, maqtuang nga sinsi' kandadauk maca masnava naip, mesnaiata a uskunan zaku pinku' tu pantu' kadadangaz zaku,manaskal'in cak isnava'an. Tutuza' tu matumasqein cak tina nak mapipantu' zaku.

115 年全國語文競賽臺中市複賽臺灣原住民族語言朗讀文章 【卡群布農語】 高中學生組 編號 1 號
求學經驗談！

以前的女生是不受重視的，所以想要讀書是一件非常困難的事情，幸好在我媽媽與大哥極力說服爸爸之下，我才得以讀書。

然而我原住民的身分與天資的不足讓我學習碰到許多困難，幸好有媽媽的鼓勵我才得以克服。聽了媽媽的勸告之後，我勇敢面對自己的不足並向同學與老師請益才體會了學習的樂趣。